

浙江圖書館



浙江圖書館




浙江圖書館



浙江圖書館



浙江圖書館



浙江圖書館

麻姑集卷之十

七言律詩

國朝

館

麻姑過雨清如許
元日危登興欲吞
山入九霄迷霧應
瀑垂雙壁走雲門
感懷每愧稱良治
奮翼寧忘照覆盆
獨喜龍光逼星斗
吟哦猶自小乾坤
虛谷靈襟天地寬
白綸那說紫金鞍
方慚月旦稽顏巷
忽笑春秋傍孔壇
草匝池塘山夢熟
鴈孤洲渚野吟闌
短墻一樹桃花放
待汝同來載酒看
整履麻姑度小岑
年來骨瘦更登臨
虬龍宿雨吟



常獨蟠竦飛雲坐每深禹蹟蹇余成朽木虞廷遲
爾賂南金陵凡細讀懷人句疑是鈞天播雅音

張崇

嘗仰盱南第一山萬方歸望樂緣慳心中習靜非
眞靜日裏偷閑豈自閑文重魯公千載石杉穹仙
子七星壇幾時採藥和民壽笑立清風明月間

白鸞舉人

仙跡相傳自昔年顏碑千古尙依然碧蓮開遍因
誰瑞白石燒來始見玄偃蓋老松磨歲月持鞭眞
子上青天登臨次第尋佳趣會問滄溟幾變田

李春和舉人

華屋平疇五渺茫
玉龍天矯峽流長
神仙到處開
玄圃環佩依然返
帝鄉滿引瓊膏消
俗慮笑呼白
石起羣羊秦人峯
頂堪延竚獨倚松
杉望八荒

左文麟舉人

虎馭龍車去不遙
望仙時坐峽邊橋
晨鐘報客鳴
霜杵松鳥窺人露
翠毛百折峯迴驚
地迥一年冬
煖訝秋高麻姑許
我雙鵬翼頃刻須
當駕海濤

李啓舉人

名山玉觀鬱岩峩
雙練晴看溼碧霄
磴轉平疇散

禾黍地凌倒景下笙簫青霞石室春長在絳節瑤
壇霧未消落日殘碑竟須讀乘風羽駕若爲招
南來禹蹟此形勝西望姑蹤空歲華紅葉欲然丹
竈火碧蓮已斷玉池花星杉自昔關天象斗劔憑
誰動漢槎擬學孫登發狂嘯未逢阮籍漫須誇

陳鼎舉人

麻姑翠崖浮青嶽宮闕宕堯逼絳霄空有神功遺
作酒不聞弄玉教吹簫半空雲錦嶺欲墮六月星
杉雪未消幾爲尋真探谷口丹霞五老若予招
千載荒壇百姓麻絕勝西岳可名華臥便丹洞一

平石如可蒼松萬樹花
虎跑夜深鳴玉液龍漱時
許泛仙槎瓊宮瑤島空
談幻李賦顏碑不是誇

江冕舉人

探奇歷險上岩堯飛閣層崖出絳霄
滄海塵清迴鶴馭紫雲音裏度鸞簫
乾坤入眼秋逾淨山水留情去未消
木石幽居真可卜鹿麋蹤跡得相招
虹橋駕霧通三峽螺嶂攢空壓九華
石罅年深自芝草洞門秋寂老苔花
泉分井井堪浮葉瀑落銀河欲泝槎
漱向天邊遺世立擬從塵裏向人誇

鄧汝相舉人

麻姑一去遺靈境宛轉真看出絳霄石室自盤龍
虎氣珠壇時度鳳鸞簫遙空雙瀑青雲溼虛敞丹
霞薄暑消謾倚七星橫曠覽更攜五老笑相招
披雲直欲窮三谷賞勝無須踏九華長日丹崖飛
玉液早時流水泛桃花神仙自有長生訣霄漢還
隨八月槎欲賦恨無絲綽興貪遊浪擬子長誇

高瑤舉人

麻姑仙境真奇絕石磴峻增路巒折崇崖邃谷藏
芝田寶殿瑤臺照松月風吹欲倒洞口橋雲填不
滿山腰缺何當六月寒颼颼瀑花灑玉飛晴雪

金章

路入名山景思幽松筠高下翠盈眸地從仙宅雄
三谷釀藉神功重九州雲斂長空丹竈曉風吟落
葉洞天秋我來禾黍登場圃贏得踈狂吏隱遊

蔡瑜護衛千戶

吏隱身閑此結緣東風翼我上雲巔尋真洞裏長
隨鶴湧碧池中忽變蓮水帶桃花寧避俗泉鳴瓊
佩尚疑仙醉來拂袖星衫下舞破煙霞月滿天

陳桂典簿

聞道登山着屐忙老來猶帶少時狂長吟直吸清

千丈小憩還收春一腔
雨過中天渾積翠霞連古
洞半飛黃乾坤放我情
踈達蜃氣龍光看發揚

張峯

千秋白石磨無磷萬載忠誠貫日光
屈曲龍蛇金殿鎮昭回翰墨錦雲張
風雷氣魄真靈應滄海桑田直渺茫
丹竈煙消遺址在古壇夜靜月蒼蒼
觀瀑亭前風味殊恍然人世隔仙都
泉鳴雪瀑日簾墜日射丹霞金簾鋪
花外鹿鳴馴野思谷中鳧浴狎階除
尋常更問麻姑侶只在白雲深處居
一卷神符草色迷劔歸崆峒尚虹霓
丹房火伏青

鸞隱綠樹煙沉白鳥啼風送龍湫傳玉液雨滋鷲
額障雲梯蓬壺路窄憑誰問聊倚瓊樓看日西紫

陽

左田逸士

年光如水日東流幾變滄桑可信不自是幻傳空
杳杳故憑浪說競啾啾松陰獨護軒前午雲氣常
隨亭上秋欲借神功泉一汲呼龍作樹灑荒丘

符通監生

層巒掩映擁螺鬟仙子何年到此山五色龍車丹
洞駐異聞笙鶴碧霄還瀲瀲瀉瀑迴風磴漠漠歸
雲繞石壇未信飛昇超白日却從流轉惜朱顏

湯焯監生

麻姑盡說勝盱山幾度登臨興未闌森木晴嵐幽
結翠雙泉清曉靜凝寒殘碑蝟篆留仙迹虛洞龍
歸過淺灘醉後尚呼童酌酒謾勞明月促車還

張恣

獨占盱南第一山清和遊賞趁秋闌飛泉濺雨疑
衣潤古木呼風覺體寒鱗脯瓊漿成幻事杯池丹
井變長灘縱觀祇見寰區小步月掀髯醉詠還

張容

陰陰樓閣逼層空笑倚闌干一覽中人在亂雲隈

裏過水從片月影邊通石堆野嶂形蟠虎山聳四
峯勢走龍遊罷此心添感慨歸程雙袖惹春風

張梓監生

芳辰有客來汝水姑山遙望迎仙舟丹霞隔塢度
玄鶴澄江落日眠輕鷗峻嶒石磴欲躡足瀟灑春
風謾解愁我憶登臨昔于此洞簫聲徹五雲樓

張桂監生

辟穀無由莫問仙攀雲且得斷塵緣山從海角開
圖畫水到人間作釀泉太古陰陽陶此勝斷碑文
字記當年碧桃紅杏春依舊滄海桑田總謾傳

亭前觀瀑倚蒼松洞口桃花泛水紅出峽有聲奔
萬馬懸崖無力挽雙虹老龍噴沫飛晴雪仙侶鳴
珂振曉風活水源頭多少味醉餘何必羨神功

亭

陶桂芳

步入麻姑萬仞峯一聲長嘯海天空神功泉冷飛
春雪羅漢松寒暗晚虹壇址夜邀明月掃洞門時
倩白雲封方平去後無消息黃鶴翩翩遶故宮

揚寧

曉來霜力在晴莎興爲麻姑咏踏歌白髮不堪人
世改青山其奈客情何一水脉脉跳飛雪萬葉蕭

蕭瑟故柯拉志實心須盡醉謾將風景嘆江河

吳元龍訓導

登山尋勝躡青莎把酒臨風發浩歌王遠麻姑今
已矣桑田滄海近如何吾人身外皆遺屐此日山
中又爛柯欲取月槎乘博望桃源有路上天河

卓有見

平野溪橋接輦莎近春時候鳥傳歌歲殘歸吝情
難已峯斷雲連興若何雙澗飛泉通地脉半山斜
日倒亭柯明秋有路嬋娟上此夜先凌織女河

柯達

麻姑仙迹舊傳名載酒登臨逸興增爛熳煙花如
有約徘徊山色似留情金龍出匣千峯曉老樹當
庭萬壑清幾度令人空弔古却成午夢見真卿

嚴秦

聞道麻姑別有春五雲深處隔紅塵松迷鶴逕潭
無路花暗簫聲不見人滄海日華翻貝闕丹霞瑞
色逐飄輪劉郎自是神仙侶何必天台更問津

蔡時英

偶入峻嶒半碧空飛花流水興無窮閑憑陰歷攀
蘿上忽謾詩成倚杖中野岸松風吹白鶴春雷桃

浪躍金龍擗麟宴後姑仙去笑指蓬萊駕欲東

朱大濟

常聞老釋說麻姑此日登臨幻化無回首西風鳴
寶樹凝眸南極漾金壺經年石磴留雲步盈實泉
流入酒疎丹種已隨黃鶴去一番秋色碧蓮枯

李治

山外崇山接上蒼孤崖灑玉響琳琅蔡家父去成
塵跡顏石于今有耿光未覓丹砂呈帝里且將忠
義振天綱暮雲輕襲遊衣溼餘潤油油透肺腸

李毅

乘閒聊與二三子步上麻姑最上峯飛瀑懸崖晴
灑雪孤松流影月當空塵蹤萍梗浮沉內世變滄
桑幻妄中一笑乾坤雙眼闊肯將孤跡羨冥鴻

幸慶

數椽重構巽巖巒一眺俄驚宇宙寬倦足我應休
石磴遊人誰不倚閒干謾誇小坐酬清賞還擬高
攀縱大觀國史興豪頻駐節天風幾度送鳴鑾
危亭屹屹倚羣峯到此俄驚眼界空瑤草謾沾天
上碧幽花常映日邊紅雲穿野境重陰捲路隱寒
泉曲水通未許仙鐘催我急歸程步步蹴春風

萬祥逸七

入谷穿雲一徑賒乘風直上女仙家
靈泉清沁丹砂冷飛瀑晴拖玉帶斜
瑶草日高猶染露碧蓮秋盡又開
花天風颯颯歸途晚回首幽探興未涯

劉淡逸七

碧蓮風細葛衣輕十載茲山兩度登
霜鬢照泉今已改星杉纒盤古來清
奔崖白瀑頻欺雪識面黃冠不記名

爲乘風海上會方平

劉宗器逸七

白雲堆裏問仙家石磴崎嶇一徑斜
日煥風前凌

獻果春深洞口鹿銜花金爐伏火長燒藥寶鼎
煙旋煮茶此日登臨還勝槩不知塵世有繁華

黃堂

夾道青松十里賒樓臺隱隱望丹霞雲中世界麻
姑主天上笙歌仙子家藥竈煙涵生紫氣芝田雨
過茁幽芽飛鸞一去無消息冷落春風洞口花

張政和

野花流水夕陽曛山月涵清半掩門古洞無人春
掃雪芸窗有客夜論文玉芝吐紫香初潤石竇流
泉色正芬賸有煙霞伴仙跡松梢孤鶴睡閑雲

黃溫逸士

路入麻姑勢轉平昔年仙子駐雲旌青鸞人去臺
空草華表鶴歸山有靈秋暮月明金殿冷夜寒風
靜紫簫清桃源洞口春常在無數好花巖畔生
童年已慕麻姑勝此日登臨願始償十里澗聲清
耳畔九霄風露襲衣香葛翁舊井泉仍冽仙女空
壇草欲荒絕頂松杉蒼掩靄落霞霏霧淡煙裝

車廷松

小構江樓四顧山麻姑仙境隔塵寰玉簫隱隱五
更漏金殿陰陰六月寒谷口雲深看白鶴洞門花

落憶青鸞遠追先代諸名勝弔古詩成獨上關
靈谷春深紫殿荒侍酬松下酒初香濤聲聽罷泉
聲續塵夢醒回鶴夢長洞口鹿眠閑白晝石潭龍
臥冷秋江晚來簫管雲中出疑是麻姑醉後觴

蕭妃

麻姑仙境峙南山色雲開擁碧嵐雨過厓懸雙
瀑布天空煙鎖七星杉蓬壺數島堪成四滄海揚
塵謾說三覽勝襟懷如滌洗丹砂往事底須談

王仲源監生

遙望姑山興獨賒綠陰深處酌涼霞依依竹木神

仙宅冉冉煙雲老子家一笑松軒驚鶴夢九還葛
井長芝芽桃源疑有方平到浮水年來又落花

王之臣監生

尋真此日憩名山滿目繁華任笑顏兩泥玉田芝
漸長雲封丹鼎鶴初還寥寥邃閣函山靜漠漠窮
厓瀉瀑寒振古顏碑驚宇宙也傳異事到人間

侯縉逸士

七言排律

蟠松屈曲懸空谷古殿崔嵬鎮上巔地僻不妨玄
籙隱人稀徧與白雲旋錦囊倒出芙蓉卓珠斛

成瀑布泉一道清風一道鶴幾灣流水幾灣田
五老子涵真笈何似揚雄草太玄石髮苔侵丹鳳
穴海棠花發紫龍溪已知葛井迷煙竈自信桃源
有洞天夜靜葡萄觴羽客月明環佩奏霞仙藤蘿
針卜回春色虎豹關頭憶玉顏斜倚闌干彈寶劍
漫從鎖閨遠蓬軒相逢談笑一二事適興詩成三
兩篇此日此情此飲酒難兄難弟難歸轅共盟忠
悃酬心縷偕聽恩光拱日邊

鄭守道

蘇姑集卷之十終

麻源附錄卷之十一

麻源距郡城西十五里過駝鞍嶺循溪而入多茂
林脩竹有靈豐祠廟宇雄麗禱輒雨祠內夢牀夢
枕求無弗應其側爲雲門寺寺前古木森列飛橋
跨溪上憑闌俯臨丘壑如畫寺後層巒疊嶂有大
霄觀西入數百步四望虛豁平田沃衍銅陵石磴
在其右華子岡繙經臺在其左所謂華子相傳九
江人角里弟子受仙隱靈寶方服之日行五百里
舉能千斤一歲十易皮如蟬蛻後乃仙去翔集此
岡繙經因謝靈運名也又有田南田北柵前柵後

雲蓋誥軸紅泉碧澗名殆不一總謂曰三谷第一
麻姑山南澗第二北澗第三雲門寺前江左王元
之隸書大字亭扁福地詩作併錄於此

晉

書

南州實炎德桂木凌寒山銅陵映碧澗石磴瀉紅
泉旣枉隱淪客亦棲肥遯賢險徑無測度天路非
衍阡遂登羣峯首逸若升雲煙羽人絕髣髴丹丘
徒空筌圖牒復磨滅碑版誰開傳莫辨百代後安
知千載前且申獨徃意乘月弄潺湲恒充俄頃用
豈爲古今然

華子岡

謝靈運 臨川內史

唐

足跨雲門詩思清躍然紫馬似嘶鳴
小溪涓涓碑將漫雙石尖尖筍欲平
煉藥鼎虛寒霧重繙經臺
灑白雲輕飛橋攔住紅泉過喚醒
真人笑一聲

廟

釋宗高

宋

偶因乞雨到麻源碧澗縈紆亂石間
未省謝公吟賞後更誰乘月弄潺湲

靈豐祠

蔡若水 庫部員外郎

歷險來尋華子岡太霄觀裏吸霞漿羽衣彷彿
堪語應是當年鄧紫陽

官

泉飛石磴尚微紅澗出銅陵碧數重遙想謝公臨
郡日幾迴屐齒印苔封

書

蔣之奇樞密行部

谷口真人事渺茫靈祠幽占水雲鄉銅陵石磴成
陳迹樵牧空尋華子岡

張致遠給事中

康樂駐征車詩吟第三谷紫柱映巖扉白雲抱山
腹冷然碧澗泉風來似琴曲

陳肅

一到麻姑日又曠幾迴欲起却逡巡世間豈是無
山水不奈閑人好聒人

平生猶未識紅泉今日纔遊石磴邊宿雨半晴秋
草溼困來無處可開眠

華子剛

李觀

憶昔雲門月正明煩襟消盡覺神清林泉白濯塵
埃事松檜靜含風雨聲山鬼聽經藏戶牖野猿偷
果墮蒼楹幾年京洛緇塵滿何日臨流一濯纓

蔡冠卿大理少卿

五馬穿林詰曲來，崇丘盡處訪遺臺。
平看列岫螺千顆，四顧春田酒一杯。
偶爾登臨成縹緲，恨無資致可徘徊。
古人不作誰由問，細草幽花自在開。

呂南公

曉登丹霞峯，暮入仙都宿。
麻姑勝遊遍，驅車第二谷。
落落千歲杉，幹直枝不曲。
根本託幽邃，匠師豈易鑿。
佗山石枯裂，斯巖瑩青玉。
迺知靈源深，餘液澤林麓。
白雲起西岡，華仙有遺躅。
陰功影響絕，爲閣飛昇窟。
長笑呼幽人，玉乳金鼎熟。
歲時不須問，山花自紅綠。

楊傑

碧苔侵野迳好鳥隔春煙有洞尋青翼無僧結白
蓮雨添蛙一部煖足柳三眠綠髮便花朵慳腸怯
酒船安仁嗟拙宦蘇晉暫逃禪日色同悲慘東風
亂紙錢

童那直 奉議大夫

元

明公富暇豫勝日懷登臨蹠躐聽馬行窈窕幽人
心懸厓響晴雨奔流濯春陰雲門轉絕壑畫橋貫
長林拂石慨往運聞鐘知古音蒼松有百圍突障

踰萬尋小憩釣魚臺
聿瞻華子岑
捫蘿入縹緲
徑凌蕭森
上有百尺樓
下有孤猿吟
初筵俯層巔
微風散危襟
語笑信忘我
觥籌浩難任
豈不念永
留惘然歸思深

書
揭傒斯

一派寒泉下翠巒
彩虹飛出亂雲端
紅流傳是靈砂液
深處應藏九轉丹

李祜南城知縣

古木陰陰石枕溪
千年冷浸謝家詩
池塘青草年年
換惟有紅泉似舊時

無名氏

國朝

臺殿玲瓏紫翠間
雲門石逕遙仙閣
捲簾碧黛分晴旭
掛壁青藜照古壇
水底龍蛇沉晉篆
望中煙雨暗溪山
相從何必尋歸計
煮石清談到夜關

賈泳 本府推官

谷深知幾許一望隔蒼茫
不見雲門寺渾迷華子岡
密林藏霧氣峭壁障嵐光
每憶鐫題石苔痕字數行

聶思敬

度長坂以空入兮山崆崆其重阻泝碧澗以偃仰
兮又草木其莽莽美人告余以緩步兮曰靈壘其
不遠雲門翼乎嵯峩兮帶清流而環翠巘煙霞明
滅兮葩草含馨川鱗游泳兮谷羽和鳴承美蔭于
佳木兮漱清冷于雲竇聊逍遙以容與兮愴忘歸
其誰予咎夕陽忽其不淹兮暝色淡乎林丘羌回
車以復路兮重瞻顧而夷猶遲美人之重來兮及歲
華之未徂侶泉石而友麋鹿兮願爲山澤之癯
路入麻源風日幽壺天空闊洞雙眸雲根華子紅
泉古隴上靈仙碧樹秋山色不隨人事改水聲常

帶歲華流追尋康樂題詩處亂草溪中臥石頭

左瑞

勝遊宿有期
茲辰幸追陪
振衣度駝嶺
深入煙雲隈
下嶺若無路
澗谷相縈迴
少焉到靈豐
雲門何壯哉
卷巖開秋色
驚湍響晴雷
小憩愛美蔭
清風蕩氛埃
拂石讀古篆
捫蘿陟崔嵬
周旋華子岡
指點緜經臺
復尋藏書閣
故址多莓苔
昔賢慨已往
吾輩愧後來
午筵具田北
懷抱相與開
松琴奏清韻
浩歌泛深杯
樂事正云美
暝色何遽催
悵然步歸路
欲去還徘徊

左賢

竹樹沿溪一逕幽，茆堂絕勝讓西頭。
雨添泉韻琴爭響，雲染山光翠欲流。
盤谷不如三谷好，桃源爭似此源優。
高風定見追裴度，緩帶輕裘取次遊。

沈度 翰林學士

華子岡前屋數間，層厓疊處有柴關。
閑餘窗外千竿竹，靜看溪頭一片山。
敲枕夢回殘月白，捲書心與曉雲閑。
當時不管徵賢俊，或向前林放白鷗。

吳餘慶 右通政

作郡逾八載，今日偶獨遊。
石徑雖折盤，去去山更

幽人家隱叢篠蔀屋無岑樓我欲詢民俗肩輿因
少留踉蹌走村叟三五遮道周俯首拜使君俱言
今有秋禾稻已登場牟麥行見耨公租少逋負里
胥敢誅求民事旣如此聞之我心休於焉度重嶺
風光豁人眸村春轉雲碓石橋架迴流前有梵王
宮巍巍倚林丘門前列松檜白日風颼颼老納出
相迓長跪禮數優熏鑪與茗椀相奉何綢繆須臾
具盤筵有簌亦有羞新酒不盡飲詩句任冥搜侍
我衆公子資質如琳球况復總知學我倡彼亦酬
引我訪古祠祠下有龍湫祈禱輒靈應此語徵前

脩試登華子岡岡前衍平疇再陟翻經臺荒秋
木稠山果自瑣碎野鳥鳴啾啾聽之不憚聒亦足
紆煩憂歸來不覺晚零露襲敝裘

謝士元

府公屬清暇薄言事佳遊鳴鷗出西郭容與尋深
幽小溪橫畧鉤山隈出層樓好風天外來間關語
栗留時和物含滋桑麻滿道周村毗相何說年來
杳有秋菰簷是雞豚石田亦鋤耰俯仰樂生途俱
無分外求我公邨民隱豈不心逸休長歌入三谷
風景清吟眸石閣倚空青釣臺瞰奔流雲門今名

剎靈豐古丹丘小憩坐松陰大籟寒蕭颯此邦富
山水佳勝茲獨優所以謝康樂摘詞賦綢繆無言
重發禱乃貽昔人羞三復我公製理趣極研搜鮮
颯灑寥廓音響鏘琳球陽春散古調桴雅難爲酬
宛企千仞岡如臨百丈湫豈徒惜芳序直欲追前
脩猶幸逐後塵從容講鴻疇回車度駝嶺晚岫煙
霞稠童叟候旛蓋林臯鳥啁秋物情各有適因之
忘百憂明當續清賞貫酒脫鷄裘

曉陪杖履入雲林林外招提歲月淡古蹟荒迹勞
指顧靈湫澄澈試窺臨石橋橫澗通樵徑鈔閣迎

風語梵音底事徘徊忘歸去可人清景助長吟
石徑穿雲眼界空數聲雞犬薜蘿中絕憐芝宇無
塵到翻訝蓬壺有路通風定篆煙浮几席日斜花
影舞簾櫳司勳分韻詩頻就屬和淡慙句未工

張昇

三谷無塵境自幽世傳曾是古丹丘松林路轉山
重阻石澗泉通水細流梵刹人非遺構在釣臺仙
去故蹤留名家不有賢公子載酒誰能恣客遊
老去閑情與世疎偶來三谷意何如石邊流水無
今古山下浮雲自卷舒清賞尚留康樂句故藏仍

說雪樓書却憐地勝堪棲隱
悔不當年此卜居

羅子澹

先葉何年此卜居
落成今復見吾廬
一溪煙水斜陽外
四面雲山宿雨餘
杖履欵門非俗客
籤函滿架有藏書
遊絲不到紅塵遠
日撫孤松樂自如

左紹之鄒縣縣丞

繫昔華子期
勞心事胎息
經年煉九還
脫屣遊八極
涓涓石磴泉
深染丹砂液
綵雲落巖阿
晴光照林碧
到今知幾秋
華子杳蹤跡
當時奇異泉
不殊衆水色
神仙信渺茫
往事將何質
徒啓好事人
相

傳爲口實

清晨來谷口小憩入雲門絕壁上雲氣奔流濺竹
根詩成山鬼泣唄演海潮翻不盡倡酬樂招提對

擲論

書

訪隱第三谷停驂碧澗邊黃冠能好客清夜款靈
仙登俎有兼味熏爐不斷煙月高花影亂疑放碧
桃千

追隨深入白雲鄉訪古重尋華子岡石磴泉流煙
骨冷春林花落澗毛香誰家雞犬聞清書幾處松
梧對夕陽詩老忘年同倡和興來一詠一飛觴

三谷紆回束碧溪，萬山深處阮輪蹄。
靈豐古篆秋煙澹，康樂荒臺夕照低。
虹臥長橋橫絕澗，春屯柁木護平隄。
行邊風景俱清致，底用移家住讓西。
斯文游衍憩仙壇，石磴紅泉對面看。
春藹天香琪館靜，山涵雨氣碧窗寒。
釣磯水落蒼苔滑，書閣雲深古木攢。
獨有將侯清興發，長吟不管酒杯乾。
稜嶂巖峯染碧空，仙家正在翠微中。
擘麟無復來王遠，歌鳳誰能偶陸通。
靈藥四時香杖履，長松五鬣影密籠。
同遊湛樂因成韻，鉛槧何勞較拙工。

左贊

駝峯隱地隆隆起萬里江湖忽見之
雪擁高原墮突兀日斜疎樹學參差
來驚漢節隨風遠去逐秦鞭度海
逢獨有嘉名吾在耳爲君開卷一
題詩

李東陽大學士

出城闔以遐覽兮爰陟峻而捫幽
度駝嶺之谿衍兮訪仙臺乎山之
陬銅陵爰業而凝黛兮紅泉汨
澆其鳴琴琪花瑤草紛不知其名
兮桂樹鬱其相繆子乃凌華確厲
清冷窺石門之窈窕躡雲蓋之
崢嶸石梁龍矯兮臥波仙觀羣飛
兮凌空吸紫霞兮石閣招白雲兮
羅峯步予馬於靈豐兮悵宿養

之離離訪緇經之遺臺兮蒼煙慘其增淒若乃崇
岡崱嶸巒嶺噴岫丹光夜爍土花春殷非子期仙
隱之所存乎寒燐宵飛山精暮泣折戟沉沙戰血
凝碧非危郎駐兵之故柵乎山川宛其如昨兮嗟
昔人其安在攀古栢之虬枝兮增予心之永慨謂
仙人之不死兮吾不得而見之謂英雄之不朽兮
亦澌盡而無遺招黃鶴而訊之兮鶴翩翩其高翥
尋斷碑於荒榛兮蝸涎苔花闕而不可覩重予懷
之耿耿兮撫幽篁而延佇迴飆冷兮欲秋斜月澹
兮將夕駕予輶以復路兮聊容與乎田北馮予目

以流觀兮見夏屋之渠渠萬瓦鱗鱗以波偃兮曰
美人之故廬綠樹藹其承宇兮清泉瑋其循除詠
先王之遺風兮有左琴而右書愛茲境之幽勝兮
恍王官與綠野欲誅茆以葺廬兮敢云信美非吾
土何所獨無芳草兮羌睠睠而懷茲念美人之好
脩兮苟去此而從誰倘解印以南旋兮將稅駕乎
時之湄從美人以徜徉兮終歲晏以爲期

何喬新刑部尚書

曉向麻源作勝遊滿前風物自清幽山凝黛色連
雲聳水漱琴聲繞石流書閣故基應有待釣臺仙

雲從簾水漱琴聲繞石流書閣故基應有待釣臺空仙
跡到今留登臨不覺歸驂晚吟倚斜陽興未休

饒秉鑑

長歌康樂詩遠訪麻源谷逶迤山竇深繚繞村路
曲憩坐雲門幽靜掃苔堦綠飛橋貫晴虹奔流漱
寒玉銅陵故無恙華子仙不復瞻彼釣魚臺緬想
藏書屋勝跡半已非遊觀駭心目居人巢雲松瀟
灑異塵俗開尊暢雅懷題詩繼芳躅談笑澹忘歸
斜陽下山麓

羅友南豐訓導

度曲緣高到石壇箇中幽致不勝看霧霑屋角蛛

絲重露滴松梢鶴夢寒仙跡有碑蒼蘚合洞門虛
鎖碧峯攢適從佳友成清訪石鼎烹餘興未闌

陳陞南城知縣

青山雲外村一徑入空門香霧侵天末寒流浸石
根曇花何處覓貝葉爲誰翻且罄流觴樂無生示
暇論

路入花源步步深翛然不受一塵侵天開石竇紅
泉落地隔雲門碧洞陰隱隱仙家聞吠犬陰陰林
木弄鳴禽風流內史題詩處蒲屐蒼苔尚可尋

黎近

雙港口石臺清且幽仙人華子期曾此釣寒
流雅志不在魚取適非所求俯視寰宇中萬物同
浮漚騎鶴去不返潭影空悠悠

劉璋 戶部郎中

蒼厓高瞰碧潭秋曾有仙翁此釣遊積久翻教蒼
上石至今猶認月爲鉤沙頭啄絮黃鳥水面衝
魚起白鷗何日掛冠尋訪去一竿風雨擁羊裘

呂憲 中書舍人

二谷南山畔空濛欲溼衣濃含宿雨潤迥逐曉煙
飛林藪藏玄豹人家隔翠微日高收斂盡巖壑總

光輝

逝水碧迢迢靈源出處遙秋光迷翡翠潤澤及蘭
茗激石聲清冽涵星影動搖濯纓歌古調還憩華

仙橋

書

駝鞍嶺下石如林谷口清藍歲月深靈運五言揮
蘇讀元之八法倚雲臨適逢內翰論心事不減蒙
莊喜足音觴詠留連閑半日從教歸路晚蟬吟

古跡更遷事不同時聞鶴唳洞天中地連長壽重
岡繞橋跨靈豐一水通石磴紅泉回窈窕碧梧翠
竹隱房櫳眼前多景難模寫詩意無聲付畫工

左悠進士

城西半舍入麻源源口清幽有寺存橋跨溪腰橫
水面泉流山脚洗雲根銅陵石磴風霜古野草閑
花歲月蕃康樂行軒何處是雲門回首自乾坤

舒崑山本府知府

仙人養就九還功地脉流通尚自紅隱隱紫霞飛
鼎上溶溶丹液注爐中謝公佳句于今在華子遺
蹤亘古同幾度追陪情未厭浩歌行過石溪東

葉寬浙江參政

谷口山如戟谷中山似垣紅泉穿石磴紫岫接雲

門地僻人多朴村深鳥不喧去城剛十里誰信有
靈源

閑嶺尋幽谷分明別有天兩溪環百畝千嶂鎖雙
巔路曲披雲坐心清抱月眠獨憐秋夜永破壁透
風煙

掃壁揮毫思不厭蟬聲雜耳也無嫌寒流漱玉連
三谷翠嶂排雲露兩尖秋染霜楓簷外落香飄籬
菊坐中添飛仙鶴化忘今古華子岡頭草滿簾

張恩

萬雲堆谷口千嶂擁仙垣野騎朝迷路村居夜敞

門聞歌神益曠勸飲耳忘喧
翻笑杜陵叟空尋白

帝源

官

秋月光盈谷秋風涼滿天
柴門隨水曲蘿逕入山
巔醉夢回千劫虛恬辦一
眠松脂吾已飽不必問
炊煙

秋興捲人出郭行偶來三
谷覺身輕清泉色爲丹
厓變萬籟聲隨獨鶴鳴
錯憶子貞家欲問空懷康
樂句難賡數杯仙醴陶然
醉一臥雲邊無世情
已過僧房啜午茶還從仙
客飲流霞岡緣華子猶
名華谷傍麻姑亦姓麻
荒忍豈知千古事盤旋真

愛野人家清輝况是中秋近且就山阿駐小車

曾與

芒鞋徐步入山清底用先驅兩旆旌幻翳捲開天
宇淨松風吹動海濤晴駝鞍嶺近巖逾峻華子岡
通地博平蕙帳曉猿留宿住籜冠春酒謝將迎

張懋賢

麻源谷口春長在古木陰陰澗草幽雲鎖峯巒山
聳秀月籠殿閣水明秋石壇夜靜無人到松徑風
清有鶴留幾度遊觀吟不盡一天光景豁雙眸

王鐸工部主事

洞天福地畫圖開，翠壁丹崖遠近排。
運夢雲門曾引華，仙來山松龍偃千年古。
奔百折迴幾欲繼前遊，樂傳筆端無穎愧非才。

鄧誥高郵知州

乘興遊山挽小車，飛雲流水是仙家。
醜後對陵石磴花

江宇景陵知縣

一徑沿溪竹石村，鐘聲引我入雲門。
前事古殿碑刊，蘇印文

芒鞋踏破早山煙，華子岡頭訪舊仙。
憶昔丹成飛

去後至今千載瀉紅泉

甯璋

薄言餞爽氣迢迢入空谷
陟彼萬仞階峻嶒踞西
牧紆餘遶百盤徑小步彌促
扶蘇攪雲煙懸厓甃
青竹古苔白露垂黃花滿秋
目岑寂妣祖尊招徠
俱俯伏飄風自天來蕩滌此
煩暴戴興絕頂觀萬
物一掌縮直樹隅星辰遐瞰
河梁曲鳥歇低枝巢
麋兔避羅逐觸景幽隱通
徑包歸把掬厲德敢憚
忘蓬回歌反復

石壁峻嶒敞巨門中流一澗
勢如奔欲探異竅伏

龍氣每訝靈豐長鹿村渺渺林泉淹歲月疎疎鐘
鼓定晨昏緜經臺畔白雲起坐對松陰繹典墳
上下雙虹糾翠陰秋高月夕送瑤琴微風玉簟天
香細秀石銀波水殿深絕筆華文多藻思勒珉青
壁振琅琳蕭條康樂豐碑拚剔蘚遺風字字金

左
泗

麻源勝槩採芳尋廣谷幽居一逕深石磴雲開八
窗曉銅橋煙鎖萬山陰靜研羸得清襟闊野眺渾
無俗慮侵收拾風光歸照袋揮毫端擬報知音

張宗

源深不可測，嗜歷廣谷三十盤。陟危岡，北折過風潭。
紫芝鬢晴昊，紅泉映飛嵐。采注往欲劇，喚彼白鹿驂。
華子欣識面，謝公儼玄談。顧盼莽回互，山水增清涵。
雲門古寺幽，當谷如束函。機鋒劃幻障，天花落參差。
溪行故山賊，云憎此至樂。耽遠心足丘壑，萬碧侵城南。

劉源

聞說麻源三谷勝，閑來一眺遠。紅塵野桃碧澗逐，
流水山鳥青郊鳴。對春洞口出雲疑，送客嶺頭行。
祇却留人登臨此，目心如洗頓覺幽。懷別樣新

潘錠

往牒傳來久，茲山產最豐。
氣蒸芳草綠，光射落霞紅。
寶鑑雙南重，金莖百鍊功。
古今專利者，安鑑鄧

通窮

書

連延西北衆山來，勢比卷阿實壯哉。
比沸泉流從北出，周道圖畫自天開。
元豐碑刻空苔蘚，隆祐提半草萊未得躋。
攀記幽勝一詩先，據志書茲

南村浪湧雲雷峯，北障平鋪膏沃區。
白鷺點煙春草細，黃牛耕雨隴雲孤。
長溪植杖違名姓，靡老麥蕪遠帝都。
秋穀垂香分舜畝，甘霖自足慰來蘇。

田

北

寧汝聰 貢士

瑶草何處拾麻源古觀邊澗流丹竈藥人雜洞天
仙龍嘯寒潭月猿吟古樹煙名藩大方伯陪賞客
三千

吳倫

銅陵三谷路康樂此停軒寒瀑沁山腹晴雲擁石
根溪渾知鹿過林響覺禽喧一畝紅泉味令人絕
巨源

曾應祥

麻源附錄卷之十一

從姑附錄卷之十二

從姑山在郡東南五里魁然圓頂若人踞而坐登山緣石磴而上數百級有雙石峙如門名鐵關又上數十級爲靈峯寺殿閣皆倚巖嵌空爲棧道左有小巖名觀音山泉聲淙然懸巖下爲井清寒襲人名玉井又左有石洞杳而深黑名玉洞一名伏虎洞中竇名玉竇洞貫心中石壁立而中裂一痕若齒名大梯一山歸然當空名天柱據天梯仰窺天小僅如線名一線天岐出稍上數十級可至絕頂有石如枰世傳仙人奕於上二江如雙虹自天

蜿蜒而下勝絕千狀真足為蘇軾之從也名人題
詠甚富第回祿兩經稿率無存今姑錄見存者
章末篇庶觀覽者有所考云

國朝

書

卷石臨江勝境開十年不到此重來寒餘竹磴三
冬雪風吼松屋六月雷伏火烘殘煎茗竈澹煙吹
落雨花臺山僧未見空歸去誰識胸中賦詠才

吳會

怪石崔嵬瞰大溪輝煌金碧是招提夜淡燈火書
窗靜隱隱鐘聲到岸西

李永年

岸闊人家遠天高樹影低
龍藏通海井鴈落釣魚
磯石徑蒼苔滑春園紫
蔽肥欲知方外事此處問
禪機

何文淵

載酒乘^參山市闌從姑高處一怡顏
山林真意心
先領湖海虛名夢不關
傾蓋敢矜雙眼白
禪冠自
感二毛斑世間大藥如堪
覓學飯青精不下山

藍春薦士

遙拱麻姑欲讓尊群峯如
從勢南奔山根出地盤

千仞石罅窺天見一門青瑩日高微有路碧霄雲
散淨無痕嘯歌頗訝壺中隘浩氣填胸自吐吞

羅子濬

雙峯如鼓瞰溪南中有崑峩古佛龕一隙清泉寒
沁玉心章在木曉浮嵐倚闌擊節歌初放坐石圍
棋樂且耽何日邀羽還載酒綠陰深處劇清談

王哲國子學正

酒榼詩筒未寂寥身閑長赴廣文招衰年作客留
官會勝日尋僧過野橋行樂况逢豐稔歲褒封頻
荷

聖明朝清談幸逐諸公後頓覺胸中鄙吝消

秦旭

勝境重來又十年山中風景故依然危崖俯瞰雙
江水古竇微開一線天夾道松筠森晚翠滿城樓
閣倚晴煙白鷗波外浮雲淨目送歸帆到日邊
靈峯勝跡幾何年此日登臨不偶然石磴巨靈音
拔地水分盱眙碧涵天爛柯人散閑棋局飛錫僧
歸爨篆煙薄暮鐘聲催攬轡滿懷詩思浩無邊
能詩大理正青年蘭若同遊一蹶然金粟影棲塵
外境玉泉香溢洞中天白沙古渡橫秋色紅葉前

村隔翠煙更躡天梯登絕頂遙瞻
魏闕五雲邊

左贊

懸崖牢結屋高與白雲齊樹杪風煙合簷前日月
低田從長者施詩任達官題笑詠歸來晚天寒五
馬嘶

野寺孤城外登臨眼界寬江山正搖落樓閣自空
寒清梵雲間出幽泉石上看同行多俊彥尊酒且
盤桓

登高逼象緯暇日此銷憂雲斂千峯碧天寒一鴈
秋大江侵楚白遠樹疏吳浮無限憑闌意題詩直

上頭

地險疑無路乘閑試一攀
天垂平野闊雲共老僧
閑厓石危時墮江流去不還
時清足遊覽遮莫長
毛斑

秦夔

危峯高萬仞無山可與齊
仰瞻紅日近俯瞰白雲
低禪室依厓結詩人拂石題
覽餘回薄暮奔馬向
人嘶

出郭登高望方知天地寬
山城煙樹迥野寺竹風
寒五嶽雲中峙三江眼底看
不妨重載酒携友共

盤桓

乘閑來佛地世慮可無憂
負看三生石那知一葉
秋空裏天花墜爐中寶篆浮
迤歸山色暝明月掛樓頭

樓頭

勝跡在天下公餘喜得攀巔
崖千尺峻老衲一身閑
野鹿銜花至山猿獻果還
使君題刻處掃盡石苔斑

曹奎

足躡從姑頂身與從姑齊
驛樓紅樹媚楚岫夕陽
低斗室通方丈新詩接舊題
笑聯邦伯袂歸路馬

嘖嘖

此心無愧忤俯仰合天寬
霧浥冠裳潤風吹毛骨
寒溪山雲際壘樓閣畫中
老醉發狂吟興詩題四
植桓

官居疏遠地心獨廟堂憂
魚躍鳶飛境虹銷雲霽
秋遼天一鶴唳魏闕五雲浮
回首瞻吳會茫茫

天際頭

暫發登臨興巉巖不厭攀
天高着眼近地僻任身
閑候使沙頭立飛仙洞口
送霜林明落照紅映錦
袍斑

陳易

幽禪老栖地萬竹護簷齊
雲掩重關靜山園四塞
低琅函香室梵金薤石厓
題撫景增多感蕭蕭風
木嘶

鷲嶺白雲端依巖結構寬
清虛與世隔風露逼人
寒簷蔔幽房種楞伽老
衲看江流下山繞風湧起
鯢桓

幽境醒塵慮空門元不憂
半牕花雨午滿院竹風
秋篆火熒熒度茶煙細細
淨一泓泉竇水滾下碧

山頭

石壁梯雲上捫蘿
白折攀松杉長
簾簾猿鳥自閑
閑曬日架淡掛挑雲杖
錫還溪巖香霧裏應有豹
成玉

王華

寺敞雲崖上麻姑勢與齊
階前懸溜活門外亂山
低境界遺塵俗風煙入品題
使君曾駐節林震紫
騶嘶

古刹崇金碧剛成百畝寬
早春花氣煖炎夏竹陰
寒鐘鼓雲間出江山天際看
元侯題傑句健筆勢
桓桓

停驂遊古寺
范老散先憂
祇樹晴嵐曉
吳江碧水
秋翠厓藤蔓
合緝毀篆煙
浮談偈無僧
悟誰言石
點頭

登山謝傳履
曾向此躋攀
僧演六根靜
官尋半日
閒幽厓雲鶴
唳古洞雨龍
還遙想驂駢
路苔痕破
碧斑

趙璽

飛磴盤空路
轉高異人猶
在許誰招石
泉瀉實疑
龍窟蘿壁開
關若火牢千
嶂環回分晚
翠雙江襟
合散寒濤使
君公暇酬吟
地風景無邊
興儘豪

張昇

老石臨江勢自尊，亂山高下列兒孫。
天垂北極星辰近，路接南城車馬喧。
畫棟雕題巖畔寺，綠楊紅杏水邊村。
還尋絕頂圍棋處，蕪漫蒼苔煙雨昏。

陳旒

回首麻姑復從姑，江中煙霧兩峯孤。
伊人似玉丹厓阻，吾道如川白日徂。
曾是待年終偃蹇，也應關世未糊塗。
晚來數點神靈雨，莫謂巫山作畫圖。

邵寶

從姑如削對麻姑，十里相馳聳處孤。
今古有情雙

玉竝乾坤依舊四時徂泉分小竇天常淨雲染懸
厓額半塗盡日登臨舒野興滿闌詩思賴川圖
秋心入暮竦微寒霄漢無雲鴈字單坐暇一天祛
垢盡笑攀雙柱著眸寬巖垂露菊清先皜地擁晴
楓醉欲丹千里飛嵐浮翠嶼也應寫向畫圖看
劔氣凌霄不受寒江天回首碧雲單山顏立覺千
峯小禪榻眠剛一文寬欲向靈源尋煉藥須於神
府認還丹分明別有通仙路只在幽居靜裏看
肩輿乘興入霄攀躡盡層梯曲曲艱不信虛巖藏
勝境始知平地聳名山鳥因衣上時飛躍人爲貪

奇日徃還笑倚闌千秋若洗嵐光只在有無間

陰雲蕩盡鳥呼晴如畫峯巒隔水明雨漬蘆花添
晚色風吹梧葉動秋聲夢隨海鶴雙翎遠心與巖
泉一樣清風景滿前吟不了擔頭涼月送歸程

飄飄直上白雲巔雙柱峻嶒別有天玉竇泉香雲
自吐仙枰柯爛石猶全嶺陰背日侵杯冷巖隙招
風入坐穿滿道田疇頻望雨可堪東望策吟鞭

深秋拉友扣仙關仙去惟留一局閑雲落半空鷲
鳥度月明層嶂看僧還篆煙縹緲隨風轉花影參
差透壑扳安得山翁同杖屨不妨日日醉尋山

曉岫溶溶紫霧飛山僧高臥掩柴扉鉢龍不動澄
秋水錫杖徐臨挂衲衣已躡天根窺線路欲從江
口占漁磯炎涼世態渾如夢漸覺塵心與世違
雙玉峻嶒勢每親翠華巔上着吟身乾坤有興頓
凝盼風月無情總快人十里盤旋勞杖屨一方會
合醉花茵臨池宴罷還翹首天馬凌空不少蹲

張恩

冉冉芳時莫紆紆斗徑迴藤蘿張密幄松栢抱良
材足健搜奇屐胸開絕頂臺雷疑纏澗谷雨爲淨
塵埃白舞稀風絮青垂重李梅二姑姿窈窕萬壽

勢崔嵬童冠明春服仙芝映酒杯詩壇裁錦繡
人
世隔蓬萊挽日戈須借無勞鼓角催

鄭允璋

有約尋春興未闌登樓攜望從姑山自憐波蕩風
塵裏正好笑談花鳥間別去謾勞鴻信遠狂來
阻蝘醅寬幾迴細把青銅對愧殺顛毛已弄斑

黎元桂

客有閑中趣居常孟浪遊青山還載酒高興更登
樓野岸花容晚江風樹色秋歸來明月下吹簫混
漁舟

從姪多古蹟此日始登遊掃石雲連袖鉤簾山近
樓黃花三徑晚落葉滿江秋千里多相憶笛鳴何
處舟

風塵淹白日山谷恣遨遊寺隔江邊樹人登雲外
樓煙嵐浮古峽草木值深秋歸路斜陽下輕寒臥
小舟

性癖耽山水乘閑作遠遊浪花迎小棹雲影泊高
樓歲月虛驚夢江湖正值秋寬心詩句裏盡醉泛
輕舟

郭麟

繫棹東行訪此山
曇花亂落老僧閑
枯藤百尺月
斜挂鐵石雙鎔雲
自關隔岸麻姑騎鶴
杳當年仙
子撫棋殘夕陽對酒
松風靜洗盃臨泉興
未闌

周璠典寶

禪關百尺倚層巒
石磴崑崙路可攀
雲捧樓臺依
野岫風傳鐘磬出
塵寰江分左右時
飛練峯並東
西日擁環極目憑
闌天際遠曇花深
護鳥聲閑

王祿平和知縣

巖傍江流意若何
攬衣扶杖一經過
石池引月開
心鏡澗谷留春長
薜蘿幽洞有雲光
得少閑庭無

客綠生多滿斟尊酒祛塵鞅謾撫孤松發浩歌

夏寶江陵知縣

巖棲梵宇客來稀雲幙煙花入眼霏絕壁留題新
次韻高巔開局更彈棋天開一線窺光小河落雙
虹浸翠微惆悵隔江漁笛遠姑山秋後碧參差

甯璋

從姑宛對麻姑好春日登臨吹煖風雙港竝流依
麓合數峯孤絕與天通閑敲棋子靈泉上遙望耕
犁四野中石厓重刻新題句吟遍梁園今未終

曾漢舉人

翠竹紅渠入畫圖
懸巖坐我勝冰壺
醉來摘得山前桂
狂欲雙丫插從姑

館

張崇

石匣崔峩面古城
龍淵劒試跡分明
關開混沌昭儀兩
剖破真精見妙凝
山聳二姑相對峙
俗傳神女總虛冥
休將幻語談仙跡
只在山靈與水靈

白鸞

乘閑巾杖上崔嵬
山徑雲深入望迷
閑見野猿偷曉果
靜聽仙鶴弄松枝
坐忘石磴看碁局
勘破塵寰總化機
何時得透桃源路
也入詩壇賣品題

李春和

茲山亘南來視姑抑稱從緬懷混闌初江上先後
踪我行陟崔嵬鸞鶴時一控旁窺石罅天耿耿不
盈縫古佛金剛身劫火謝飛動侯公貝葉綠依然
辨清供何人更探奇玉局西偏共興罷歸去來小
有煙霞洞風輕祇樹高露濕雲裳重迥噓海上鯨
喚起蕉間夢

劉源

春江聊擊漿勝日喜聯鑲歷石躋曉削捫蘿上樹鬱
迢青天通一線翠碧出層霄林榼冠裳聚應傳麟

鳳標

李萬實

寂寞僧房古，綿蠻鳥舌嬌。
露零依草木，山聳插雲霄。
起舞悲長劍，留題憶小橋。
忽驚歸馬躍，風雨自蕭蕭。

郊遊已是落花時，滿地飄紅景亦奇。
林靜忽看歸野鳥，江清寧礙養神螭。
登山有約從春晚，控轡無心問酒遲。
風雨偶來頭上黑，不堪歸路紀新詩。

張梓監生

野色春仍媚，山容晚自嬌。
白雲連斷岸，華月出層

霄挂杖緣松徑傳杯坐石橋醉來忘去住山雨下
瀟瀟

三月風光春暮時千葩萬蕊闔春奇松圍絕頂輕
棲鶴風激層湍欲起螭日晚江村呼渡急雲高山
月落杯邊桃花幾逐楊花盡空負劉郎兩度詩

鄭澹

日暖尋春處巢高燕語嬌孤松依翠巘脩竹上青
霄消晝臨碁石吟詩坐竹橋洞天山下歸路馬
蹄遙

拉友登山踏翠時芳春有分探花奇從姑雲密棲

雙鳳盱姥潭深臥老螭對景圍棋稱絕勝停杯待
月悵來遲一天梅雨催歸興野渡相迎謾紀詩

張桂

乘興尋幽得得登飄然如在半天行乾坤生我豈
無意山水可人由有名桂子風高鷓鴣舉梧桐日
上鳳凰鳴靈湫徧灑應甘澍一洗塵寰穢濁情
步入青雲不用扶從姑指點問麻姑望中江水環
雙碧方外乾坤別一壺鐘鼓僧堂開險峻棋枰仙
奕對虛無勝遊未數蘭亭會風景憑誰畫作圖

陶桂芳

東山突兀靈峰結乾坤鎔鑄關門鐵煙鎖雲封人
迹稀我來啓鑰天開闕古佛構住無瓦鋪舉頭石
棧渾無缺左有晶濂下壁間六月蒲團飛白雪玉
洞伏虎今何之步中瓜落圓成穴層層仙子上天
梯䟽䟽齒跡斜罔列日光射地兩厓分石屋窺天
一線裂躡雲笑坐浮丘枰盤中車馬何年絕信手
摘落星辰丸邀與麻姑較優劣招徠不見過鸞輿
夾岸雙江波弄月試行一步撚秋香便是廣寒宮
殿闕

吳栢

怪石突兀臨江曲上有藤蘿雲更宿山迥時開竇
樹風波深夜沁曇花玉老僧去住信飄蓬禪關縹
緲連裊禪呼童沽酒覓陶潛暫憩煙霞天可掬
物外蕭然逸興賒名山今已占僧家疎鐘隱隱穿
空谷短櫓咿咿趲落花明滅沐姑煙霧裡徘徊竹
杖石牀斜不妨傾蓋漁樵話笑傲浮生只恁沙

李治

緩尋芳草步崇阿遠近峰迴點翠螺僧倚懸厓成
屋險鳥鳴深樹帶雲和苔花繡石棋枰古貝葉翻
風梵語多快我登臨空八極憑高醉眼幾摩挲

鄒福逸士

霧淨嵐光翠欲浮
從姑山峙瞰江流
毫端造化天
留勝塵外乾坤地
占幽雲影蒼茫藏
梵宇泉聲滴
瀝到漁舟興來不覺歸
遲暮落日晴空掛月鉤

湯作逸士

山占盱江勝孤峯
瞰碧湍泉香芝孕
秀仙着石爲
盤衲掛雲亭
溼詩成月殿寒
鐘聲送歸路
風露冷
征鞍

鄭惟賢逸士

從姑附錄卷之十二

麻姑集後序

夫天下名山勝水挺奇呈秀足以發幽
懷攄藻思而達人志士遠覽深識情有
所欲洩及意不逮者其於遊觀每亦有
助予浙人也先大夫官部昌府君從焉
日所對者匡廬五老多羣蠡泳游而予適
生比歸杭杭西湖詩海內涵濡潤澤長

且學於斯哈三十年及籍仕途偕京師
鼓篋淮南長江天塹結駟白下鍾阜龍
盤參藩忝太嶽之司謂州跨彭城之會
夫徐揚吳楚橫巨壑千里間言山則魏
乎轟轟言水則淵乎泱泱吾陟其巔而
溯其波則幽闡之化抽其玄奇崛之形
瑰其志高廣之象臨其槃昭明之景煥

其文已爲曠遇非直生且長且學之遇
已也孰知於盱復有所謂麻姑耶夫麻
姑在江右伯仲廬蠡其仙跡英異過之
子嘗從二三子登焉指點故國如在目
前轉盼清塵漸落天外而歷代名賢題
詠卷帙載盈未之夕傳吾太守朱公言
之梓復欲秩諸祀儀意良且厚顧予何

知哉意見體裁不免或戾知盡吾心然
上下千年地以傑靈山若增高所以寄
予羈人之悰仰止前脩之躅又有在也
集成附茲同事者刺史鄭君二庠生也
嘉靖癸卯秋九月望

賜進士奉政大夫建昌同知前南京吏部
郎中湖廣右參議仁和冲谷陳克昌創

麻姑集跋

姑山奇於天下以名墨而奇也粵自憲
副王公舊集久廢而名人題詠遂盪其
傳至是得予郡

圖

元侯東川朱公貳侯冲谷陳公以

國祀登山因檢閱卷帙懼其逸也乃謀諸
同寅以爲失今不圖將泯落而山失其

所謂奇矣時絜齋李公澄潭方公僉以
爲宜遂屬陳公校而梓之以予邦人也
俾采古今及後來之嗣者附焉因念顏
李文公之祠于山岳武穆有全城功而
不與焉可惜也遂并三忠而四之且附
于集以垂不朽噫茲集不爲徒梓也夫
嘉靖癸卯季秋治生白窗鄭嶸謹跋



浙江圖書館

浙江圖書館善本

登記號：33062

一九 年 月 日



浙江圖書館



浙江圖書館

浙江圖書館善本

甲 登記號：33062

一九 年 月 日





浙江圖書館



浙江圖書館

浙江圖書館

Blue Cyan Green Yellow Red Magenta White 3/Color Black
© The Tiffen Company, 2007
Tiffen Color Control Patches
Centimetres
Inches



浙江圖書館



TIFFEN Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------